



衡陽王夫之選

雜記上

記喪禮之變者及其小節以篇策繁多分爲上下篇謂之雜者記輯舊文略無次序又兼君大夫士而錯紀之也凡四十四章

諸侯行而死於館則其復如於其國如於道則升其乘車

之左轂以其綏復

復芳服反乘食證反綏與綏通儒雜反下並同

行謂朝會在外館主國所授舍也生其館則死卽其寢

得專有之不避主人矣乘車別於兵車之名左轂象屋

東榮不於廬耶者非其所久安也綏旌旂之旄也去其

旂者異於生也旌旂者所以爲章識故神依之也復之

人數如其命貳車皆君之駕每車一人各持其綏

其輶有祱縑布裳帷素錦以爲屋而行

輶倉佃反祱蚩占反

輶載柩之車飾也若未大斂載尸亦然用赤色帛爲覆

張之車上祱四旁垂下如簷也裳帷附柩之帷下垂如


裳屋綴裳帷上附棺而覆之其制內施屋帷外加輶祱

祱露帷之半素錦白縛也行歸返國也必盡飾息人之

惡見之也諸侯尊尤加華美

至於廟門不毀牆遂入適所殯唯輶爲說於廟門外

說他活反



同下

廟殯宮蓋卽正寢而稱廟者從乎死者之辭也毀徹也
牆裳帷也裳帷不徹錦屋亦不徹矣所以然者以殯必
有帷有荒因仍之不重設也所殯兩楹之間不於西階
者以自外來不忍賓之故用殷禮也說轉者轉以象宮
室在宮則可說且不可施之殯也

大夫士死於道則升其乘車之左轂以其綏復如於館死
則其復如於家大夫以布爲轉而行至於家而說轉載以
輜車人自門至於阼階下而說車舉自阼階升適所殯

布白布輜車無輻合大木爲輪崇減乘車之半卑而安

禮記章句卷二十一

二

也大夫裳帷用布屋亦用錦與諸侯同諸侯之載亦用
輜車至於阼階下而說車舉自阼階皆與大夫同錯互
見之

土轉句葦席以爲屋蒲席以爲裳帷

轉亦用白布與大夫同內飾異耳葦荻之大者載以軹
軸不言者文略

右第一章

凡訃於其君曰君之臣某死

方仕而卒其家命訃之辭也

父母妻長子曰君之臣某之某死長丁 丈反

喪主爲大夫士者也庶子不訃若仕則自以其名訃不繫於父不言敢告執事者君臣恩義相屬其辭質

君訃於他國之君曰寡君不祿敢告於執事

不祿謂不終其祿也尊之故不斥言死告於執事者尊鄰君也按周之初制諸侯訃皆以名惟天子不名但稱寡君者周末之僭辭故春秋書宿男卒而胡氏以爲譏是也

夫人曰寡小君不祿大子之喪曰寡君之適子某死大他蓋反

適都歷下同

夫人與君敵體世子父在斯爲子其禮降矣云敢告於

禮記章句卷二十

三

執事蓋與君同

大夫訃於同國適者曰某不祿訃於士亦曰某不祿訃於他國之君曰君之外臣寡大夫某死訃於適者曰吾子之外私寡大夫某不祿使某實實蓋至字之誤脂利反

適者爵齒均也不言告執事者以言執事則必其有弔賻之儀當勤執事大夫不敢微也訃於適者鄰大夫也士鄰士也私交好之稱實謂專來告也按人臣無境外之交大夫而訃於鄰國又僭稱寡大夫皆周末之僭禮

爾

士訃於同國大夫曰某死訃於士亦曰某死訃於他國之君曰君之外臣某死訃於大夫曰吾子之外私某死訃於士亦曰吾子之外私某死

士賤其辭略

右第二章

大夫次於公館以終喪士練而歸士次於公館大夫居廬

士居堊室

士次士字衍文次於公館當在練而歸之上蓋錯誤

謂居君之喪也大夫於既殯之後居倚廬既葬居堊室練而次於公館終喪而歸士既殯而居堊室葬而次於公館練而歸倚廬在門內倚垣結草覆地而不塗堊室在門外有簷宇塗以堊土均為三年之喪而大夫之居降於嗣君士降於大夫君臣之義以尊卑為輕重也

右第三章

大夫為其父母兄弟之未為大夫者之喪服如士服士為

其父母兄弟之為大夫者之喪服如士服

為其之為于偽反

士之喪服自齊衰以上與大夫異大功以下乃同其制不可悉考見於儀禮者則三升者大夫之斬衰也縷如三升半而成布三升者士之斬衰也齊衰則大夫以上四升士縷如五升而成布四升大要位尊者備服備服者服亦麤惡士無三升之斬四升之齊不備服也故晏

子服麤衰三升半而其老以爲非大夫之禮是已於母
言爲大夫者妻從夫爵也不敢以己之尊加於父母兄
弟亦不敢冒父母兄弟之尊而自尊故皆服士服

大夫之適子服大夫之服適都 歷反

此周末世官相承之僭

大夫之庶子爲大夫則爲其父母服大夫服其位與未爲

大夫者齒爲其之爲 于僞反

爵同則服無嫌矣雖適長士服已無所抑位則自以嫡
庶長幼序不可踰也

士之子爲大夫則父母弗能主也使其子主之無子則爲

禮記章句卷十一

五

之置後爲之爲 于僞反

主主其喪也大夫之喪禮隆君子不以子之爵自貴也

右第四章

大夫卜宅與葬曰有司麻衣布衰布帶因喪屨緇布冠不

韠占者皮弁衰倉同反 韠與 綏同 儒誰反

宅墓地有司謂相及命龜作龜者麻衣白布深衣布衰
以三升半布爲衰及負版加於深衣胸項閒布帶齊衰
之帶因仍也喪屨蓋疏屨卜以接神故其衣冠用吉而
大夫之有司取具於家臣固有齊衰之服則加衰而帶
屨不改冠不綏以不奪其凶若占者則大夫家不藏龜

用公家之占人純以吉禮接神矣

如筮則史練冠長衣以筮占者朝服

朝直 遙反

史筮人練冠縞冠長衣深衣之純以素者筮下於卜故純凶然筮宅在三月以內而服練冠則亦變其本服矣朝服元端服不皮弁服者亦以筮輕也

大夫之喪既薦馬薦馬者哭踊出乃包奠而讀書

薦進也柩自廟將行就道而進馬駕其乘車也薦馬者謂當薦馬時也哭踊馬駕將行而主人哭踊也出柩自廟出也包奠包所奠之牲體置遣車以行也讀書讀贈也士喪禮包奠置遣車公史讀書已乃出大夫則柩已

禮記章句卷二十一

六

出而後包奠追及讀贈於門外禮彌文也

大夫之喪大宗人相小宗人命龜卜人作龜

相息 亮反

宗人家宗人也周禮家宗人上士二人中士四人上士大宗人中士小宗人也士之宗人無大小故儀禮但言宗人命龜大夫備官故大宗人相而小宗人命龜相相主人蒞卜命龜告所問事作灼之也

右第五章

復諸侯以褻衣冕服爵弁服夫人稅衣揄狄稅素沙

復 芳

服反稅與祿同吐玩反揄余招反此節舊在其餘如士之下今從陳氏本定序於此

褻衣受命始賜之冕服冕服其餘冕也公自衮冕以下

侯伯鷩冕以下子男毳冕以下爵弁服纁裳純衣鞞韠
人君之祭服也言冕弁者服從其冠實不用冠也稅衣
黑色夫人御於君之服揄狄通作鷩翟刻繒爲雉青質
五色備綴於衣上侯伯夫人之上服也喪大記言夫人
以屈狄則子男夫人之上服互記之耳言稅衣揄狄者
自稅衣而上至揄狄有闕狄鞠衣展衣其服五也素沙
者白紡紬以爲揄狄以下之裏婦人之服必複也凡復
之人數如其命人持一衣故衣皆備焉

內子以鞠衣褻衣素沙下大夫以禮衣其餘如士

禮時
戰反

內子謂世婦以下內命婦及卿之適妻鞠衣色如鞠塵

禮記章句卷二十一

七

黃綠之間以其受命乃得服之故又云褻衣素沙亦謂
其裏也下大夫亦謂其妻也禮衣周禮作展衣其色白
士妻之服祿衣而已餘如士者內子及下大夫之妻下
統祿衣也按此章夫人稅衣之上宜有卿元冕下大夫
爵弁其餘如士之文舊本脫爾

復西上

人多者橫陳屋脊閒持褻衣者最西以次而東士一人

復在中屋

右第六章

大夫不揄絞屬於池下

揄余招反絞何
交反屬於欲反

謂喪車之飾也揄畫繒爲雉青黃之間曰絞池以竹爲之垂荒下象宮室之承雷人君以絞繒幕池而垂於池下爲振容大夫幕池而已不下垂也按此章當備記上下喪車之飾餘皆殘脫僅存此條其詳則見喪大記

右第七章

大夫附於士士不附於大夫附於大夫之昆弟無昆弟則從其昭穆雖王父母在亦然

附與祔通卒哭廟未遷主無所入乃祭死者之祖附其主以從食祭已復於寢祥而後遷廟新主乃入廟焉附必用其所得之牲禮孫可降以從祖祖不可降從孫不

附於大夫祖爲大夫也昆弟從祖之爲士者也從其昭穆高祖之爲士者也若高祖廟已毀則附於從高祖雖異宮往附矣沒曰祖生曰王父王之爲言大也王父存無所附亦附於其昆弟或高祖之同爵者必不紊其昭穆耳兼言母者婦於祖姑亦然也

婦附於夫之所祔之妃無妃則亦從其昭穆之妃妃與配通

反

無妃者或王姑存或出而不祭於廟昭穆之妃從祖姑及中一以上之妃也夫存而婦或沒則亦擬夫他日之附而附之士妻從士不附大夫之妃也

妾附於妾祖姑無妾祖姑則亦從其昭穆之妾

妾妾祖姑皆謂庶子為後者之母按妾不世祭此蓋後

世之失禮

男子附於王父則配女子附於王母則不配

配祭告配食也王母從於夫而稱蓋祖姑也不配不祭

祖舅也妻從夫食夫不可從妻食義也

公子附於公子

公子祖為諸侯不敢附附於從祖之為公子者

右第八章

君薨大子號稱子待猶君也

大他蓋反

禮記章句卷二十

九

諸侯卒哭有王政金革之事則不避稱子者辭命載書

之詞待謂王及鄰國待之之禮

右第九章

有三年之練冠則以大功之麻易之惟杖屨不易

謂斬衰既練而遭大功之喪也練除首絰而冠要絰變

葛更新遭大功則去葛而絰麻存大功之重也大功不

杖而仍杖者存三年之重也屨不易者繩屨同也易不

易皆從其重不以輕揜重也

有父母之喪尚功衰而附兄弟之殤則練冠附

衰倉同反

功衰者既練而以大功之布為衰也兄弟之殤中下殤

也其服小功澡麻經繹衰輕於功衰故不以易練冠功
衰之重也獨言附者始死在哭次可加澡麻經既葬而
耐且於祖廟新喪之哀減仍伸舊喪之重也言兄者贅
文殤無主後適子主其祭

於殤稱陽童某甫不名神也

陽疑殤
字之誤

雖未有字必爲之字事神之道也

右第十章

凡異居始聞兄弟之喪唯以哭對可也其始麻散帶經

兄弟通大功以下言之哭對者哀深不能爲辭也麻者

牡麻要爲帶首爲經散垂其餘不結也凡死之明日將

禮記章句卷十一

十一

小斂而經皆散垂三日成服而後結今居異國聞喪在

成服之後亦必散垂三日而後結之如初喪然

未服麻而奔喪及主人之未成經也疏者與主人皆成之

親者終其麻帶經之日數

上謂相去遠聞喪在成服之後則成服於家此則相去

近故未及小斂而卽赴也經在死之明日經之明日大

斂又明日成服今此以經之晨至主人將經然去成服

二日耳疏者小功以下則卽與主人成經而以又明日

成服親者大功以上則明日始經更二日而成服麻帶

經者謂散垂也疏者從主人親者各自盡也兄弟者同

姓有服之辭兼從父從子而言也

右第十一章

主妾之喪則自耐至於練祥皆使其子主之其殯祭不於正室

妻無子而卒妾子為後則主其喪然殯葬之事哀而恤之可耳祭禮之大者不可屈尊蒞之其耐於妾祖姑非正祖妣固可不與也殯祭殯與虞祭

君不撫僕妾

君對僕妾之稱撫撫其尸僕厮役

右第十二章

禮記章句卷二十一

十一

女君死則妾為女君之黨服攝女君則不為先女君之黨

服為于偽反

妾為女君之父母服齊衰期服重故所從雖亡而不已攝女君者必貴賤若姪若甥女君之黨即其黨自以其服服之若他國之賤則無服以君命攝祭主故尊也

右第十三章

聞兄弟之喪大功以上見喪者之鄉而哭上時掌反

謂自遠來奔喪也鄉者異國則境上同國則六鄉之界

也奔喪篇云大功望門而哭與此異盧氏謂是降服大

功者未知是否

適兄弟之送葬者弗及遇主人於道則遂之於墓

適往也謂往送兄弟之葬也弗及適有故不得偕行而葬畢也遇主人於道主人歸而反哭也遂之於墓不隨主人歸虞兄弟至戚必自盡也

凡主兄弟之喪雖疏亦虞之

疏謂小功以下虞之主其虞祭終喪事也

右第十四章

凡喪服未畢有弔者則爲位而哭拜踊

爲位如初聞喪爲位於己家賓始弔禮不可殺且感觸而哀更新也

右第十五章

大夫之哭大夫弁經大夫與殯亦弁經

與羊如反

弁經如爵弁而素加以環經所以致飾章別也與殯者主人未成服而弔之也已成服則錫衰未成服則經而皮弁服爲異耳

大夫有私喪之葛則於其兄弟之輕喪則弁經

上則字衍

私喪妻子之喪葛卒哭後變服也輕喪謂三從兄弟當

服總者大夫降旁親總降而無服則弁經而錫衰葛重

於弁經然不以私喪之末揜兄弟之正服服雖輕而情

必伸也

右第十六章

爲長子杖則其子不以杖卽位

爲子僞反下同長丁丈反

喪無二主避尊者也

爲妻父母在不杖不稽顙

哀不敢極禮不敢盡也

母在不稽顙稽顙者其贈也拜

母在據父沒而言專言不稽顙則杖矣此謂嫡子妻喪

妻尊母不能厭也稽顙者謂母亦沒而爲妻稽顙也贈

者葬既窆納制帛於壙中以贈死者也凡贈皆稽顙以

拜送死者惟於妻則拜而不稽顙蓋雖爲妻而稽顙於

禮記章句卷二十

吉

賓終不稽顙於妻夫道也

右第十七章

違諸侯之大夫不反服違大夫之諸侯不反服

違去也之往仕也反服謂爲舊君服齊衰三月尊卑踰

等不得成禮矣

右第十八章

喪冠條屬以別吉凶三年之練冠亦條屬右縫小功以下

左屬之微反別必列反

條屬者斬衰以繩齊衰以下以布卽爲武之一條而垂

其餘爲纓吉冠則武纓異材也右縫攝縫向右上凶尙右

也小功以下不純凶故左

總冠纁纁

纁蓋澡字之誤子皓反

小功雖左縫而亦條屬總冠則纁之布雖與武同其纁數而纁以澡治之布為之不條屬矣

大功以上散帶

上時掌反

謂小斂未成服時經帶散垂而不括成服乃絞也小功以下初卽絞括之

右第十九章

朝服十五升去其半而總加灰錫也

朝直遙反去邱矩反

八十纁為升朝服之布其經凡千二百纁其細可知如

禮記章句卷二十一

古

其纁之細而減之六百纁以終幅則為總細而疏也總則治其纁而不治其布若以灰澡之如今世洗白者則為錫衰之布錫之為言易也弔服之布也

右第二十章

諸侯相襚以後路與冕服先路與褒衣不以襚

凡路車之等公以金路侯伯以象路子男以革路為先路公自象路以下侯伯自革路以下子男木路皆後路也冕服則公自鷩冕以下侯伯自毳冕以下子男希冕以下為冕服公之袞冕侯伯之鷩冕子男之毳冕皆褒衣也先路褒衣天子所賜非侯氏所得相贈遺車當言

贈而槩云襚者道遠或並致之

右第二十一章

遣車視牢具遣詰
職反

遣車製似車而小裹將葬之奠載之於中納之壙以送行者也視牢具者視其生時為賓主君所致之牢數上

公九侯伯七子男五天子蓋十有二卿四大夫三士一

疏布鞞四面有章置于四隅章與障通
之亮反

鞞章所以飾遣車者鞞覆車上為蓋章以周蔽車內牢肉亦以疏布為之四隅椁中棺外之四隅

載糗有子曰非禮也喪奠脯醢而已

糗米糧也時或有載糗者有子譏之喪奠無黍稷悼死者之不復食也自始死奠脯醢以來即然何至於遣奠而獨用糗乎

右第二十二章

祭稱孝子孝孫喪稱哀子哀孫

祭吉祭喪喪祭孝者言致孝也哀者自悼之辭孫父沒為祖後者

右第二十三章

端衰喪車皆無等衰倉
同反

端元端服自天子至於士所常服以質故無殊也衰喪

車無飾自天子達喪車者居喪所乘車按周禮王之喪車五乘今言無等謂木車蒲蔽犬禡者也

右第二十四章

大白冠緇布之冠皆不黹委武玄縞而后黹黹與綏通儒誰反

大白厚縞為冠諸侯居憂冠之緇布冠冠禮初加之冠

二冠皆仍太古之制而無文故不綏委亦武也冠下當

額橫幅卷也或謂之委或謂之武元冠朝服冠縞冠練

冠二冠有武於是而別施綏焉言古今文質吉凶之異也

右第二十五章

禮記章句卷二十

夫

大夫冕而祭於公弁而祭於己士弁而祭於公冠而祭於

己

冕元冕其服一章弁爵弁其服纁裳緇衣緇帶鞅冠

元冠其服素裳爵韠祭以備服為尊故惟助祭得服上

服大夫弁以祭卿也下大夫少牢饋食亦元冕朝服

士弁而親迎然則士弁而祭於己可也迎魚慶反

親迎攝盛服事先必以其質可者疑其可而未可之辭

右第二十六章

暢曰以榭杵以梧

暢與鬯同謂擣鬱和鬯也榭柏也柏堅香梧潔白此亦

謂喪禮所用耳天子之喪以鬯沃尸周禮鬯人大喪之
大泚設斗共其鬯鬯

枇以桑長三尺或曰五尺畢用桑長三尺刊其柄與末枇

反履

枇形如匕所以載牲體從鑊納鼎中畢形如叉所以助
主人自鼎升肉於俎者皆桑者喪祭也吉祭用棘刊削
也削其柄使小以便持削其末使薄以便載

右第二十七章

率帶諸侯大夫皆五采士二采率呂
恤反

帶者襲尸之大帶襲衣畢乃加帶焉率謂緝合其邊熨

禮記章句卷二十一

十七

殺之不加箴功襲之服與生者同於帶變之以殊於生
也雜采摺疊成之二采者朱綠

右第二十八章

醴者稻醴也

謂實明器之醴也醴或用黍或用粱此則用稻

甕甗筥衡實見閒而后折入衡胡郎反
見賢遍反

甕如孟而有蓋以盛醯醢甗小口瓶盛酒醴筥編竹爲
之如筥而圓以盛黍稷皆所謂明器也衡與行通度甕
甗筥之架也實置也見卽帷與荒也更謂之見者以加
帷荒則棺不復見但見此耳折方鑿連木爲之如牀而

無簣縮三橫五加之壙上以承抗席也見閒者見外椁
內言明器入畢而后加折則窆事畢也

右第二十九章

重既虞而埋之重直容反

始死設重以木爲之如柱斲孔懸簣煮飯尸餘米以二
鬲盛之鬯用疏布繫於簣上葦席裹之置於中庭加銘
其上以爲神依虞則桑主神依於主則埋重於所置處
神無兩依也

右第三十章

凡婦人從其夫之爵位

禮記章句卷之二十

通言喪祭之禮

右第三十一章

小斂大斂啟皆辯拜辯與通通卑見反

啟啟殯以就葬也辯拜者賓先後至拜之必周事竟就
堂下之位尊者特拜之等夷以下旅拜之所以謝其襄
事也君子所甚懷人之恩者無過於親喪而加之惠卑
遜勞抑而不以爲屈也

朝夕哭不帷無柩者不帷

朝夕哭者柩在堂緣孝子之心欲見之故褰其帷無柩
者謂他國聞喪不得奔就室爲位而哭也以神尚幽闇

故帷堂神所不在不設帷也

右第三十二章

君若載而后弔之則主人東面而拜門右北面而踊出待反而后奠

此大夫之禮也君於大夫將葬親弔賵之當在祖廟之日今或君有故載柩於柳車將行而后至則卽於廟門之內爲位受弔凡君之弔主人中庭北面而今殯車在庭中故改而東面君位在車東東面拜向君也門右者以柩外向爲正西爲右也北面踊踊爲柩故不敢向君也出待者成踊卽出不敢久畱君也反君命之反奠也

禮記章句卷二十

九

君臨必奠以告榮也雖奠事畢必重奠也

右第三十三章

子羔之襲也繭衣裳與稅衣纁緝爲一素端一皮弁一爵弁一玄冕一曾子曰不襲婦服

稅吐玩反

子羔高柴字襲者浴尸已親身著衣蓋子羔親喪而襲之也繭衣之複而有著者臬著謂之袍綿著謂之繭衣裳者衣連裳合縫之稅衣元衣亦連衣裳而不殊所以表袍者也纁淺絳色緝緣裳下襪也一一稱也素端者衣裳皆以素爲之端富用元用素亦非禮也皮弁爵弁皆以冠名服士襲之正服也元冕大夫之服其裳刺黻

亦非士之得用婦服謂稅衣纁神士之襲三稱子羔加素端元冕而僭大夫失禮非一曾子但譏其婦服記者詳記以盡著之

右第三十四章

爲君使而死公館復私館不復公館者公宮與公所爲也

私館者自卿大夫以下之家也

使疏更反復芳服反

公宮主君之離宮公所爲者主君築以待賓春秋傳所謂諸侯之館垣也二者無主在內賓自主之如其家矣卿大夫之家雖亦主君所授主人固在不得專也

右第三十五章

禮記章句卷二十一

十一

公七踊大夫五踊婦人居閒士三踊婦人皆居閒

此殯前恆踊之數也凡死數來日君五日而殯凡六日大夫三日殯凡四日日各一踊小斂日再踊故爲七爲五也居閒者居主人與男賓之閒而拾踊不相雜也士二日而殯凡三日日一踊也皆居閒者喪家婦人及女賓同夾賓主之閒也

右第三十六章

公襲卷衣一玄端一朝服一素積一纁裳一爵弁二玄冕

一褒衣一朱綠帶申加大帶於上

卷蓋繭字之誤古典反

公公侯伯之通稱繭衣者所謂袍有表爲一稱也元端

元衣朱裳齊服也朝服元端素裳積謂襞積亦裳也素積皮弁服緇衣素裳纁裳亦皮弁服素裳視朔服纁裳甸服皮弁服凡二稱其裳殊爾爵弁二者皆絲衣一纁裳一素裳祭小祀及蜡服也元冕祭社稷五祀之服褒衣者公則袞冕侯伯則鷩冕受命之上服也繭衣加於明衣之上所以適體其上則生所有事襲皆備焉貴者愈居上也按士之襲三稱公九稱則子男七稱大夫五稱天子其十有二稱與朱綠帶以象革帶襲無佩故易以帛不素而朱綠者以別於生也朱上綠下綠爲紳也申重也朱綠帶以束服又加大帶備二帶爲儀容也大

帶五采率帶

右第三十七章

小斂環經公大夫士一也

環經者一股而纏也士加於素委貌之上公大夫加於素弁之上不絞經者不極凶服未殯之前人子有翼生之情焉不遽以死事哀之也

右第三十八章

公視大斂公升商祝鋪席乃斂

此大夫之禮也主人先已布絞紿鋪席君至更改爲之以榮君賜升升阼階端士則不更鋪

右第三十九章

魯人之贈也三玄二纁廣尺長終幅

廣古曠反
長直亮反

魯人猶檀弓其妻魯人也之魯謂朴野之人也廣尺裂其幅之半而加弱也幅之度二尺二寸長以幅為度短甚矣贈用制帛廣終幅長丈八尺凡一束十制元纁各半既短狹之又減其半苟簡不成禮

右第四十章

弔者即位于門西東面其介在其東南北面西上西於門此章所記乃諸侯相弔之禮鄰國之喪諸侯遣使弔之因歸含襚及贈使介行事次第進之即位賓待命之位

禮記章句卷二十一

三

也門殯宮大門聘禮使者門西北面此東面者聘行於廟廟之北路寢之東面一也在其東南者地迤東而南立也西上者介非一人上介近賓以次東也西於門者末介雖東亦在門之西不中門也聘禮介夾賓左右而鴈行弔異者喪事質介備含襚不傳命也

主孤西面相者受命曰孤某使某請事客曰寡君使某如何不淑相者入告出曰孤某須矣

相息亮
反下同

主孤猶言主君在喪之稱也西面者在阼階下不出迎者喪禮質也變擯言相者以助主人哀辭為重不主接賓也相者一人無傳擯質也孤必名者未成君且示人

知適嗣也既知其所爲來復請事者賓不敢瀆質所事於主孤主孤亦不敢必其爲弔己讓道也如何問辭淑善也問其如之何而罹此不吉之事也須待也

弔者入主人升堂西面弔者升自西階東面致命曰寡君聞君之喪寡君使某如何不淑子拜稽顙弔者降反位

降下

當有出字脫文

入不俟迎急喪事也主孤先升尊卑殊也未葬子不繇阼階主人升堂西面是繇阼階矣以對異國之賓須正主位示爲繼嗣防爭亂也春秋爭亂者皆挾鄰國以爲援示之早以杜其亂所以安社稷也東面在殯之西南近鄉殯遠對孤兩不背也降避主人之拜稽分殊不敢荅也反位出門立於門西東面如初待後事也

含者執璧將命曰寡君使某含相者入告出曰孤某須矣含者入升堂致命子拜稽顙含者坐委于殯東南有葦席既葬蒲席降出反位

含胡紺反

含襚皆始死之事鄰國弔使不能卽至追致璧衣此周禮之文勝其質者也於弔攝行事焉含者承介也賓立於位以待璧含玉也形如璧爾其將命亦待相者再出請事而後入不重言者因上弔禮互見之襚放此含者入升堂孤先在堂不復下堂待之喪禮簡也致命之辭

如禭亦於下互見之殯在西階委璧于殯東南當奠處也席以承璧及衣也有者主人先鋪之反位反賓東南北面之位

宰夫朝服卽喪屨升自西階西面坐取璧降自西階以東

夫字衍文朝直遙反

受璧必宰者重玉也執玉不麻故朝服卽仍也因仍喪屨不純言也降自西階受於殯也以東示主孤而藏之禭者曰寡君使某禭相者入告出曰孤某須矣禭者執冕服左執領右執要入升堂致命曰寡君使某禭子拜稽顙委衣于殯東

要於宵反

禮記章句卷二十

音

冕服元冕要裳際委禭者委之殯東不言南在委璧之北正當殯禭用末介

禭者降受爵弁服於門內霤將命子拜稽顙如初受皮弁服於中庭自西階受朝服自堂受玄端將命子拜稽顙皆如初禭者降出反位

朝直遙反

降受自西階降也受者賈人以次舉衣入禭者受而執之升也門內霤大門內簷際也中庭堂下墀西階階下衣之貴者先將而遠受之卑者後將而近受之服褻則禮彌簡也受元端于堂禭者不降矣反位亦反門外北面之位賓介皆待於位延之復入乃成哭踊之禮

宰夫五人舉以東降自西階其舉亦西面

宰夫宰之亞也五人者襚衣五襲人舉一襲不朝服者非受玉仍喪服也舉亦西面仍客坐委之位不背殯也上介贈執圭將命曰寡君使某贈相者入告反命曰孤某須矣陳乘黃大路於中庭北軒執圭將命客使自下由路西子拜稽顙坐委于殯東南隅宰舉以東乘食證反使疏吏反

贈雖在後必上介將命贈禮重也圭所以爲信也陳設也客使入設之也乘四馬黃馬色也大路次路軒轅也北軒者內鄉也再言執圭者方陳車馬時上介執圭升堂至此則執以授也客使客之從者陳車馬者自率也

下謂馬也謂牽馬入設時設於大路之左也左者庭之西凡設車馬以車爲上故馬謂之下也覲禮路西馬東此馬在路西者覲禮車南轅此以凶禮變而北轅車皆以右爲上也坐委委圭也東南隅更在委璧處之西南爲上也餘同含襚者互見而可類推之

凡將命鄉殯將命子拜稽顙西面而坐委之宰舉璧與圭宰夫舉襚升自西階西面坐取之降自西階鄉許亮反

此合含襚贈三事而總記以補前所未悉者將命子拜稽顙言方將命而卽拜稽答也

贈者出反位于門外

申言門外以見凡出反位皆於門外也

上客臨曰寡君有宗廟之事不得承事使一介老某相執綽相者反命曰孤某須矣臨者入門右介者皆從之立于其左東上宗人納賓升受命于君降曰孤敢辭吾子之辱請吾子之復位客對曰寡君命某毋敢視賓客敢辭宗人反命曰孤敢固辭吾子之辱請吾子之復位客對曰寡君命某毋敢視賓客敢固辭吾子之辱請吾子之復位客對曰寡君命使臣某毋敢視賓客是以敢固辭固辭不獲命敢不敬從客立于門西介立于門左東上孤降自阼階拜之升哭與客拾踊三客出送于門

禮記章句卷二十一

三六

外拜稽顙

復芳服反使疏吏反拾極業反

臨卽位臨哭也弔含祔賵使事已畢使者自以己情入哭也獨言上客者致辭者惟上客介從之也入門右者用臣禮也使事入門而左客也私事入門而右君臣之等也介立于左東上者將就門東之位繼主國臣子哭位而西亦臣禮也宗人喪禮之主納賓將定賓之位也升受命者孤在堂上也君卽孤也孤不稱名者與使臣相爲辭禮可亢也復位復門西賓位也三辭稱使臣者自明其爲外臣可當賓禮也降自阼階就賓也拜不稽顙禮殺於其君命也拾更迭也哭則同哭踊則主人倡

賓繼之主人又終之不相亂也送而稽顙者以成事重拜其君賜也

右第四十一章

其國有君喪不敢受弔

其國其故國也大夫出亡在外而聞本國之君喪雖公子不敢受弔不得盡臣禮不敢當喪主也

右第四十二章

外宗房中南面小臣鋪席商祝鋪絞紵衾士盥于盤北舉遷尸于斂上卒斂宰告子馮之踊夫人東面坐馮之興踊此喪大記錯簡重出

禮記章句卷二十

三七

右第四十三章

士喪有與天子同者三其終夜燎及乘人專道而行

士與天子同諸侯大夫無不同矣終夜燎謂未殯以前乘人人執紼引車也專道者人避之不避人也

右第四十四章

衡陽王夫之譏

雜記下

凡六十四章其四十七章以下皆非喪禮記者雜輯以充篇帙爾

有父之喪如未沒喪而母死其除父之喪也服其除服卒事反喪服

卒子律反下同

沒終也未沒者將終之辭已練而未祥也除服祥祭之服卒事卒祭也反喪服反母服也禮必辨其分際終其喪父之禮而明後此之喪母也

禮記章句卷二十一

雖諸父昆弟之喪如當父母之喪其除諸父昆弟之喪也皆服其除喪之服卒事反喪服

當者期之喪終始在三年之內母之期喪在父喪之內不得除而諸父昆弟得除者祭非己主也大功以下除之期不與主人練祭相值則不除

如三年之喪則既顯其練祥皆行

三年之喪謂長子之喪與父母之喪先後相值也顯今字書作纒如麻而柔白無葛之鄉以之代葛既顯者謂既葬而變葛也言長子之喪在父喪之先時已及練祥必畱祭不舉待父喪變葛而後祭行祭則必服其除服

未葬不得服輕也父喪在長子喪之前亦然

右第一章

王父死未練祥而孫又死猶是附於王父也附與

遷廟祫祭而后昭穆序今此王父尙未有廟則祔於王

父之所祔以從王父稱王父者未有廟不得言祖也

右第二章

有殯聞外喪哭之他室入奠卒奠出改服卽位如始卽位

之禮卒子律反

有殯宮內之殯父母妻子也外喪兄弟之喪在他國不

及奔者哭之他室明所哭者非殯也奠哭之明日朝夕

禮記章句卷二十一

二

奠於殯也出仍往他室改服服外喪之服卽位如始者

終其哭之日皆如始哭也於此而言如始卽位之禮明

始哭於他室之必爲位也彼此各致而別行之情得以

交盡矣

右第三章

大夫士將與祭於公既視濯而父母死則猶是與祭也次

於異宮既祭釋服出公門外哭而歸其它如奔喪之禮如

未視濯則使人告告者反而后哭與羊渚反下同

視濯在祭之前祭事之始也與祭者當祭不敢告不

敢專廢公事次於異宮者相視濯已不敢歸卽喪所凶

不可干吉也告者反而後哭哭則不與祭矣

如諸父昆弟姑姊妹之喪則既宿則與祭卒事出公門釋

服而后歸其它如奔喪之禮如同宮則次於異宮

卒子律反

諸父世父叔父昆弟同生者姑姊妹在室者皆期之喪

也宿戒也在祭前三日宿則與祭未宿則不與於宿矣

出公門而后釋服降於父母之哀遽也然則妻及眾子

私喪之期與大功以下在散齊之內與祭可矣

右第四章

曾子問曰卿大夫將為尸於公受宿矣而有齊衰內喪則

如之何孔子曰出舍乎公宮以待事禮也孔子曰尸弁冕

而出卿大夫士皆下之尸必式必有前驅

音見曾子問

義見曾子問

右第五章

父母之喪將祭而昆弟死既殯而祭如同宮則雖臣妾葬

而后祭祭主人之升降散等執事者亦散等

祭練祥之祭也待既殯而祭者哀新死不忍行吉禮也

臣隸妾婢也必葬而后祭者不以凶干吉也散厯也等

階之級也謂兩足各躡一等無威儀蓋凶步也練祥吉

祭其升降當聚足涉級新有昆弟之喪哀不忘於心故

凶步此謂殯而祭者

雖虞附亦然

謂亦異宮待殯同宮待葬也

右第六章

自諸侯達諸士小祥之祭主人之酢也齊之眾賓兄弟則皆啐之大祥主人啐之眾賓兄弟皆飲之可也

自諸侯下達不言天子者按尙書康王顧命大保當初喪而齊則天子之禮小祥可啐大祥可飲也齊者引爵至齒啐微入口也飲則卒爵酢謂受賓酢若尸酢則皆卒爵眾賓兄弟祭末受獻

凡侍祭喪者告賓祭薦而不食

侍相也祭喪亦練祥也告相者告之薦脯醢也吉祭相者告賓祭薦祭已食之喪祭不食雖大祥猶然食重於飲也

右第七章

子貢問喪子曰敬爲上哀次之瘠爲下顏色稱其情戚容

稱其服

稱昌孕反

喪父母之喪也敬慎也所謂慎終也瘠者啜粥飲水之必然也顏色黧黑枯槁之色戚容涕泣悲酸之容也內稱其情色無僞也外稱其服服不虛也喪以哀爲主而有真哀者必有真慎若乘一往以自致則但發氣爲哀

氣衰而哀竭矣故孝莫大於慎終

請問兄弟之喪子曰兄弟之喪則存乎書策矣

哭踊服食之文禮具有之求其稱而已

右第八章

君子不奪人之喪亦不可奪喪也

奪喪者強之從政及居處飲食使即便安也君子遇喪而惻怛生心行乎所不容已故於人能恕而在己不移也

右第九章

孔子曰少連大連善居喪三日不怠三月不解期悲哀三

禮記章句卷二十一

五

年憂東夷之子也

少詩照反解居賣反期居之反

少連見論語大連或其兄弟也不怠哀而慎於殯也不解哀而慎於葬也憂思也東夷濱海徐莒杞郟之地雜用夷禮而二子能自盡於禮也

右第十章

三年之喪言而不語對而不問廬聖室之中不與人坐焉在聖室之中非時見乎母也不入門

語魚詎反

三年之喪父喪也言言己事也語教告人也未練居廬練居聖室不與人坐者或來慰問立酬之不與爲禮也時定省之時門大門聖室在門外居廬之時非哭次不

見母有疾乃問之練而後可時入見母也

疏衰皆居堊室不廬廬嚴者也

衰倉同反

疏衰母喪皆云者統父在期父沒三年而言嚴者尊重之意尊統於一故惟為父居廬

右第十一章

妻視叔父母姑姊妹視兄弟長中下殤視成人

長丁丈反

視謂哀容及居處之節也妻雖杖而不得過於叔父母姑姊妹出嫁則降長中下殤雖遞降而情與兄弟及其成人同則必伸其哀禮與情相為出入而各愜也

親喪外除

禮記章句卷二十一

六

服已釋而哀未忘飲食居處必異乎恆也

兄弟之喪內除

哀已澹乃除之期功之喪兄弟為重其他可知矣

視君之母與君之妻比之兄弟發諸顏色者亦不飲食也君之母妻皆服期與兄弟等而情之不逮遠矣退而飲酒食肉可矣惟醲酒頰容葷辛發色則與服太不相稱則絕之

右第十二章

免喪之外行於道路見似目瞿聞名心瞿弔死而問疾顏色戚容必有以異於人也如此而后可以服三年之喪其

餘則直道而行之是也

瞿九遇反

免除也似貌相似也瞿驚慌貌聞名言語觸其諱也弔死問疾憶其親之曾若此而感其哀思則容色異於未遭喪者之但爲人哀而不至也終身思慕有感必動而後可以居喪執禮無不稱情之文矣其餘謂哭踊居食之節葬祭之儀直道如禮遵行之

右第十三章

祥主人之除也於夕爲期朝服祥因其故服

朝直遙反

除謂除練服而卽祥服也夕祭前一日之夕爲期告賓以祭期也朝服緇衣素裳異於吉者縞冠耳祥謂正祭日也因其故服仍爲期之朝服也祭之明日仍服素縞麻衣以待釋而始易於祭特吉者正祭服也

子游曰旣祥雖不當縞者必縞然後反服

旣祥謂祥祭之日也縞縞冠也不當縞者齊衰以下助祭者久已釋服服元端不當縞冠也必縞者祥祭爲吉凶之交禮尤重也反服祭畢反其初吉

右第十四章

當袒大夫至雖當踊絕踊而拜之反改成踊乃襲

當袒小斂大斂時爲斂變故袒當踊謂正當踊時絕中止也反者拜賓必於堂下拜已升堂反卽視斂之位也

改更也凡踊三者三而成先雖已踊以絕不數仍九躍也襲著衣也斂事畢踊而後襲言乃襲者謂卽袒以拜不待襲而成禮急敬尊者也

於士既事成踊襲而后拜之不改成踊

既事終斂事也成踊襲而后拜不絕踊袒也不改成踊踊已成也此士禮若大夫則雖大夫至亦必成踊襲而后拜夫人子於親喪之際哀亂摧折若一致於其親而他皆所不恤乃其於尊卑之等拜踊之節猶若是其詳辨者蓋親親尊尊之義同出於性而非繇外鑠故孝子盡性以事親無所不致慎焉而節文之宜仁義並而不悖非達於天德之全體者固不足以知其深遠矣夫豈僅恃其不學不慮之知能而直情徑行者所得與哉直情徑行者戎狄之道也

右第十五章

上大夫之虞也少牢卒哭成事附皆大牢下大夫之虞也

牲卒哭成事附皆少牢

少詩照反卒子律反大他蓋反植徒得反

卒哭之祭謂之成事大夫三月而葬五月而卒哭其間凡五虞然後卒哭虞喪祭成事祔漸吉矣喪不備物漸吉然後備所應用之牲

右第十六章

祝稱何卜葬虞子孫曰哀夫曰乃兄弟曰某卜葬其兄何弟曰伯子某

祝稱謂命龜稱主人之辭卜葬卜葬日也卜虞者大夫五虞諸侯七虞須卜日也孫父沒爲祖後者乃者對其妻之稱

右第十七章

古者貴賤皆杖叔孫武叔朝見輪人以其杖關轂而輶輪者於是有爵而后杖也朝直遙反輶胡館反

朝謂造朝而塗遇之也輪人爲車輪者關穿也輶回轉以試其圓否也禮雖不下於庶人能者弗禁也愚賤不

能自勉於禮而或存其實或存其名苟名存而實雖亡猶愈於名實之皆亡則存其名以俟能者可也以私意忿一人之失而遽禁庶人之杖此其所以爲叔孫武叔與

鑿巾以飯公羊賈爲之也飯扶晚反

公羊複姓賈名巾覆面帛大夫以上賓爲之飯則以巾覆面當口鑿之以遠賓之憎惡士親飯而鑿巾則子而憎其親矣苟欲僭大夫之禮以尊其親而不知其陷於大惡也廢杖鑿巾皆記魯禮之失

右第十八章

冒者何也所以揜形也自襲以至小斂不設冒則形是以襲而后設冒也

后字衍文

冒韜尸者製若直囊凡二上曰質下曰殺先以殺韜足而上後以質韜首而下齊於手自襲至斂爲日不一容色變異將見於形孝子不忍其親或爲人所憎惡故以此揜之此先王之禮所以曲盡人情而求其心之安也程子以是治司馬溫公之喪而蘇軾謂之亦多見其不知量而已

右第十九章

或問於曾子曰夫既遣而包其餘猶既食而裹其餘與君

禮記章句卷二十一

十

子既食則裹其餘乎曾子曰吾子不見大饗乎夫大饗既饗卷三牲之俎歸於賓館父母而賓客之所以爲哀也子不見大饗乎

夫防無反遺詰戰反與以諸反歸求位反

遣遣奠也包裹而載之遣車也大饗諸侯相饗之禮三牲大牢也大饗禮之盛者必歸俎以致敬可以釋裹餘之疑矣乃以賓客之禮待父母疑於惻隱之不足而孝子之心於親之死不得而不賓之且若其生而他往不忍以其不能飲食而遂竟以祭禮行之則哀戀之情亦至矣

右第二十章

非爲人喪問與賜與三年之喪以其喪拜非三年之喪以

吉拜

爲于僞反
與以諸反

非爲人喪謂雖在喪中而不以喪故相賻助也問遺也
敵者曰問尊者曰賜吉拜不稽首也三年之喪無可暫
吉故必喪拜期功以下自可以尋常之禮拜受也

三年之喪如或遺之酒肉則受之必三辭主人衰絰而受
之

衰倉
同反

遺之酒肉者或因疾毀勸令強飲食也君子自盡其道
而諒人之情受之可也三辭者誠不忍食必以情告也
衰絰者示雖受之而固不可奪也如此則人之強之者

亦且止矣

禮記章句卷二十一

七

如君命則不敢辭受而薦之

薦奠也不敢虛君惠而已固不可奪也

喪者不遺人人遺之雖酒肉受也從父昆弟以下既卒哭
遺人可也

從疾
用反

喪者期以上之喪也情盡於親不能及人故不遺人有
喪宜爲人所恤故遺之必受雖酒肉亦有所用之也從
父昆弟大功之親者也自此以下喪非己主餘情可以
及人

右第二十一章

縣子曰三年之喪如斬期之喪如剡

縣胡涓反 期居之反

斬思慮斷絕也剡神志衰削也志壹於哀則氣象容貌動止云為之間無不然者縣子此論可謂善言喪者矣

右第二十二章

三年之喪雖功衰不弔自諸侯達諸士如有服而將往哭

之則服其服而往

此節舊在十五月而禫之下今從陳氏本定次於此衰倉回反下同

功衰謂既練而所受之衰與大功同也弔弔生者哭哭死者其服所哭者之服

期之喪十一月而練十三月而祥十五月而禫練則弔

之反 下同

此父在為母之喪也練則弔者其練如三年之祥也然則三年之喪祥而可以弔矣

期之喪未葬弔於鄉人哭而退不聽事焉功衰弔待事不

執事

此節舊在下節不聽事焉之下今定序於此

期之喪從服義服及姑姊妹無主殯不在己族者聽亦待也當主人襲斂之際須待其事畢而成禮也功衰謂

殤服繇齊衰而降者也不執事不相助主人斂奠

既葬大功弔哭而退不聽事焉小功總執事不與於禮

反 沔

與 羊

既葬已所服者既葬也與相也禮謂饋奠總既葬而不

與於禮者死者士踰月而葬也大夫既葬總者除矣

右第二十三章

相趨也出宮而退相揖也衰次而退相問也既封而退相

見也反哭而退朋友虞附而退封與空同 彼驗反

此鄉人會葬之節也古者少長相遇以趨為敬相趨謂

相識而常相會晤也相揖謂同與飲射相揖讓也相問

謂往來饋問也相見謂執贄定交也同門曰朋同志曰

友皆兼生死之交而言也出宮出殯宮朝祖已正柩賓

出而主人拜送遂不復至也衰次祖道已喪車外鄉為

衰次於廟門賓出主人送也既窆主人贈已賓退主人

禮記章句卷二十一

三

拜送也反哭賓更弔弔已出主人拜送也虞附則反哭

而退待祭而更來與祭也賓退必因主人之拜送退則

不復再至矣

弔非從主人也四十者執紼鄉人五十者從反哭四十者

待盈坎從疾 用反

謂送葬也主人同姓有服之通稱主人送者隨柩行無

事焉弔者必夾柩行相相助四十筋力未衰於道執紼

於坎實土五十已衰從主人反哭而相助虞祭勞逸各

有事矣言鄉人者遠賓來會主人重勞之雖未五十可

從反哭也

右第二十四章

喪食雖惡必充饑饑而廢事非禮也飽而忘哀亦非禮也
視不明聽不聰行不正不知哀君子病之故有疾飲酒食
肉五十不致毀六十不毀七十飲酒食肉皆為疑死為干
偽反
飽而忘哀謂飽則嫌於忘哀也不正危蹇欲仆也不知
哀神志昏也致極也疑猶恐也

有服人召之食不往大功以下既葬適人人食之其黨也
食之非其黨弗食也人食之食
祥吏反

有服下達於總之辭適人有故至人家也食之值食時
而留之食也黨同有服者雖彼服輕已除情相若則雖

食不忘哀也

功衰食菜果飲水漿無鹽酪不能食食鹽酪可也衰倉
同反

功衰斬衰既練之服也水漿或水或漿不專飲水也酪
乳熬成者不能食者體質羸弱不勝淡食也可者稍食
之

孔子曰身有瘍則浴首有創則沐病則飲酒食肉毀瘡為
病君子弗為也毀而死君子謂之無子創初
良反

瘍頭瘡創古瘡字按字義當云首有瘍身有創或傳寫
互譌也內傷曰毀外羸曰瘡病成痼疾也君子之居喪
也志壹氣充性盡而情順故雖毀而不病若志之不逮

情欲偷而強之哀則氣餒形疲彊者病弱者死矣誠不足而滅裂以求名君子恥而不為其甚者反以殄生絕祀不孝之罪其能免乎

右第二十五章

非從柩與反哭無免於塋免亡運反

柩所行道曰塋反哭言塋者循其從柩之路而歸也無免必著喪冠以致飾也

右第二十六章

凡喪小功以上非虞附練祥無沐浴上時掌反

潔清致飾之事哀則廢之喪祭以事神可爾小功大功

禮記章句卷二十一

五

終祔期終練三年終祥

右第二十七章

疏衰之喪既葬人請見之則見不請見人小功請見人可也大功不以執摯唯父母之喪不辟涕泣而見人衰倉同反則見

涕泣而見之見賢

遍反辟毗義反疏衰期之喪也請見人通初見亟見而言執摯初見之

禮大功可以亟見不初請見皆謂既葬也不避涕泣而見人人來見而見之也見者為相弔慰無相見之禮

三年之喪祥而從政期之喪卒哭而從政九月之喪既葬而從政小功總之喪既殯而從政期居之反卒子律反

從政謂服官任事也期以下若今在官請假是已父在為母期則十三月而祥而後從政也

右第二十七章

曾申問於曾子曰哭父母有常聲乎曰中路嬰兒失其母焉何常聲之有

古者哭踊皆有節則哭有時數矣故曾申疑而問之無常聲者哀至之哭也按曾申曾子之子而以哭父母問曾子殆於野矣孝者人道之大教之本也然子不敢以問父父不能以詔子故古者易子而教精義以利用者也

右第二十八章

卒哭而諱

卒子律反

在殯不諱者不忍遽以神道事親也卒哭則耐耐斯神矣

王父母兄弟世父叔父姑姊妹子與父同諱

王父母據子而言兄弟以下據父而言同諱者謂父在從父而諱父没仍不改也

母之諱宮中諱妻之諱不舉諸其側

內諱不出門異姓之諱非已諱也

與從祖昆弟同名則諱

從疾用反

名當作居傳寫之誤也同居謂共坐也從祖小功之親不逮事父則不諱惟與其子同處則不舉諸其側

右第二十九章

以喪冠者雖三年之喪可也既冠於次入哭踊三者三乃

出冠古亂反
三蘇暫反

以喪冠謂年已及冠適有喪卽冠喪冠也次廬也入升堂詣殯前也哭踊哀父母之不及見也三者三成踊也出卽哭次也此謂三年之喪而冠者期以下見曾子問大功之末可以冠子可以嫁子父小功之末可以冠子可以嫁子可以取婦己雖小功既卒哭可以冠取妻下殯之

禮記章句二十一

七

小功則不可

冠古亂反取七
句反卒子律反

末受服卽葛之後也大功言己服小功言父服錯舉互明之婦子婦也小功可以取婦大功則不可取吉於冠嫁也己雖小功父沒之辭也冠自冠取妻自取小功卒哭可以冠取大功可冠而不可取也下殯之小功本期服之親服雖五月而無受故必終喪不可者冠嫁取俱不可也麻不可以接吉也言下殯之小功則上中殯之大功可知

右第三十章

凡弁經其衰侈袂

衰倉
同反

弁經弔服其衰有三錫衰總衰疑衰也侈張大而被於衣上也袂衷衣相屬當腋者凡衰之制幅布當心綴於衣上其博四寸左右辟領各四寸衰不覆袂也弔服之衰不爲辟領以一幅博如其軀侈加於袂上衰輕則簡而文也

右第三十一章

父有服宮中子不與於樂母有服聲聞焉不舉樂妻有服不舉樂於其側

與羊如反

父有服功總及義服己不從服者宮中謂同宮居也與執習也樂琴瑟也士無故不徹琴瑟爲所尊親故變也

禮記章句卷二十一

大

母妻之服其私喪也聲聞焉不舉樂則宮中容有不相聞之處舉之可矣不於側則雖聲聞不避

大功將至辟琴瑟小功至不絕樂

辟必益反

將至謂有是服者來詣己己將命而未入也辟屏也方彈而徹也不絕樂者方彈不輟未彈則亦不奏也凡習樂而客至者不爲中止曲終而後肅之

右第三十二章

姑姊妹其夫死而夫黨無兄弟使夫之族人主喪妻之黨雖親弗主夫若無族矣則前後家東西家無有則里尹主之

兄弟謂有服之親族人無服者也妻卽姑姊妹也其黨不得爲主婦人旣嫁從夫非出則本宗義殊也東西左右也無有謂鄰近素不相往來二十五家爲里尹里宰或曰主之而附於夫之黨

主謂母家兄弟主之黨昭穆所宜附者此流俗之說非禮也

右第三十三章

麻者不紳

首經則要必經必不大帶而垂紳也

執玉不麻

宰受含玉則朝服是已又大夫在聘而聞君薨雖已服衰聘享則必易吉服凶不干吉也

麻不加於采

外服弔服則內衣必素

右第三十四章

國禁哭則止朝夕之奠卽位自因也

大祀致齊則禁哭卽位卽哭位也因哀之至垂涕而無聲也

右第三十五章

童子哭不偯不踊不杖不菲不廬

菲扶
涕反

俛委曲之聲非管履禮非以強人所不逮能者繇之未能者無躐等也

右第三十六章

孔子曰伯母叔母疏衰踊不絕地姑姊妹之大功踊絕於地如知此者由文矣哉由文矣哉哀倉回反

絕地躍起離地姑姊妹之大功已嫁者也知此謂通其義繇用也言能知恩義之各有當不屈義以從恩不裁恩以就義則情文各得並行不悖而用之無不宜矣

右第三十七章

泄柳之母死相者由左泄柳死其徒由右相由右相泄柳

之徒為之也

相息亮反

禮記章句卷二十一

于

凶禮繇右相者從左禮也泄柳之徒不能守其師說以從流俗而禮亂矣

右第三十八章

天子飯九貝諸侯七大夫五士三

飯扶晚反

實頤曰飯塞齒曰含貝今謂之蚘子精小者多粗大者少貴用精賤用粗也舊說此夏殷之禮也周用珠玉

右第三十九章

士三月而葬是月也卒哭大夫三月而葬五月而卒哭諸侯五月而葬七月而卒哭士三虞大夫五諸侯七卒子律反

卒哭以緩爲貴伸其哀也虞在葬卒哭之間葬之日卽一虞其後每月二虞卜日行事

右第四十章

諸侯使人弔其次含襚賵臨皆同日而畢事者也其次如此也合胡紺反

上篇備矣次因死事之先後臨則使臣之私事故最後

右第四十一章

卿大夫疾君問之無算士壹問之君於卿大夫比葬不食肉比卒哭不舉樂爲士比殯不舉樂比毗至反卒子律反爲于僞反

喪大記言君二問大夫之疾此云無算者疾之淹速不

禮記章句卷二十一

三

一也壹與一通壹問疾亟而后問也古之君臣如此豈以籠絡士心而望其報禮哉君臣之義植於性而人道所自立也

右第四十二章

升正柩諸侯執紼五百人四紼皆銜枚司馬執鐸左八人右八人匠人執羽葆御柩大夫之喪其升正柩也執引者

三百人執鐸者左右各四人御柩以茅引羊進反

升謂朝祖而升階也正柩厝棺於廟兩楹之間以待發

也朝祖爲行葬之始事其後之墓皆仍此而爲之爾紼

牽柩車繩廟中謂之紼道路謂之引其實一耳互言之

枚如箸銜之有繡結項中以止謹鬻者司馬兩司馬二十五人之長也執鐸者振之夾柩以令柩進止也匠人冬官司空之屬主棺事及窆者葆形如葢雜五色鳥羽爲之御柩以爲升降左右之節也大夫之執鐸者亦其家司馬之屬茅之爲言明也所以明示人之觀瞻謂旗幟也春秋傳曰前茅慮無

右第四十三章

孔子曰管仲鏤簋而朱紘旅樹而反坫山節而藻稅賢大夫也而難爲上也晏平仲祀其先人豚肩不揜豆賢大夫也而難爲下也

禮記章句卷二十一

三

鏤雕蟲獸也大夫盛粢盛以敦鏤簋僭諸侯紘冕繫大夫緇紘朱紘僭天子賢大夫者賢其功業難爲謂已隆則上無可加也已替則下無可減也豆徑尺不揜豆者甚言其小

君子上不僭上下不偪下

偪與逼通
彼側反

如其禮而已矣

右第四十四章

婦人非三年之喪不踰封而弔如三年之喪則君夫人歸封國境也婦人已嫁於其父母期而言三年者緣本親也君夫人歸則大夫之妻可知已

夫人其歸也以諸侯之弔禮其待之也若待諸侯然
弔禮謂含襚及賵之儀不純乎子而可用其夫之禮婦
人從夫者也待之謂主孤館餼之事

夫人至入自闈門升自側階君在阼其他如奔喪禮然

惟此為異於諸侯之相弔耳使得伸其子道於門以內
也闈門宮中兩傍入庭中之門側階東房外東鄉之階
君主孤在阼不降迎也其他哭踊鬢麻之屬

右第四十五章

嫂不撫叔叔不撫嫂

撫撫尸也嫂叔生不通問死不為服何撫之有

右第四十六章

君子有三患未之聞患弗得聞也既聞之患弗得學也既
學之患弗能行也

君子聞道而學焉期於行也時雖未可行而能行在己
則亦可弗患矣三者學之事也

君子有五恥居其位無其言君子恥之

不知其職所當為則不能有言

有其言無其行君子恥之

行胡孟反

得失利病言之詳而行不逮是欺人也

既得之而又失之君子恥之

所行不固獨勞而無功也
地有餘而民不足君子恥之
仁不足以保民故民去之

眾寡均而倍焉君子恥之

眾寡謂其國邑夫田之數也均者與人相若倍賦斂所
入倍於均我者也不能致民以阜財而徒多取以致富
其行賤矣五者仕之事也

右第四十七章

孔子曰凶年則乘駑馬祀以下牲

馬六種駑馬最下人君乘之示自貶且易供下牲謂天

禮記章句卷二十一

十四

子諸侯降用少牢大夫特牲士特豚

右第四十八章

恤由之喪哀公使孺悲之孔子學士喪禮士喪禮於是乎
書

書猶傳也五禮之籍皆藏於公府周衰散亂孔子定之
孺悲學焉而傳其書至今猶爲明備其他僅存而闕失
多矣

右第四十九章

子貢觀於蜡孔子曰賜也樂乎

樂廬各反下同

蜡祭事借野人而近於戲惟聖人之心達性情之和以

類萬物之情含匿周徧而油然各得故見其可樂而以爲問也

對曰一國之人皆若狂賜未知其樂也

若狂謂致鹿女迎猫虎之狀賢者守正不見其可樂也子曰百日之蜡一日之澤非爾所知也

百日謂春耕之勞以蜡息之也澤惠也先王以恤民之勤苦而暢其情以惠之也非爾所知者非其識量所及張而不弛文武弗能也弛而不張文武弗爲也一張一弛文武之道也

張控弦喻操之使效能也弛釋弦喻縱之使自適也文

武謂文王武王蜡始於伊耆氏而言文武者古有其禮而周益備也弗能者天地屈伸之化人物性情之幾自然而不可強也弗爲者聖人裁成之用也道謂通變宜民之理所以調治人情而引之正也

右第五十章

孟獻子曰正月至可以有事於上帝七月日至可以有事於祖七月而禘獻子爲之也

正如字俗讀諸盈反者非

正月七月皆以周正言之建子之月日南至建午之月日北至也有事於上帝郊也祖太祖有事於祖禘也日南至而郊禮也所謂大報天而主日迎陽之至以求陽

也若殷祭必以孟月示不忍曠也諸侯秋嘗冬烝因而
舉殷祭焉於秋舉之當以夏正七月建申之月獻子以
周正行之實爲仲夏徒欲與郊對月而舉而不知祭祖
之事與日至無與則亦不達禮意矣爲者以私意改作
之謂

夫人之不命於天子自魯昭公始也

以娶同姓而不敢告於周後遂因之而廢王命此章兩
記魯禮之失皆人道之大者也

右第五十一章

外宗爲君夫人猶內宗也爲于
僞反

禮記章句卷二十一

美

外宗君諸姑姊妹之女爲爲之服也內宗君同姓之女
也凡內外宗女自以戚受命爲命婦不繫乎夫則爲君
服斬衰夫人服齊衰其疏遠不得受命而嫁於士大夫
者自從其夫服君期夫人無服

右第五十二章

廢焚孔子拜鄉人爲火來者拜之士壹大夫再亦相弔之
道也

有災則弔弔則必拜也

右第五十三章

孔子曰管仲遇盜取二人焉上以爲公臣曰其所與遊辟

也可人也辟匹亦反

取擇用也上升之於公朝也曰管仲薦之之辭遊交遊辟邪僻也

管仲死桓公使為之服宦於大夫者之為之服也自管仲始也有君命焉爾也偽為于反

為之服為服舊君之服齊衰三月也違大夫之諸侯不反服有君命可爾後遂因之為始則不可

右第五十四章

過而舉君之諱則起與君之諱同則稱字

過誤也舉稱也起者方坐而起示不甯也與君之諱同

禮記章句卷二十一

毛

名同君也稱字者以字行曲避之名者父所命不可易也

右第五十五章

內亂不與焉外患弗辟也與羊淑反辟毗義反

內亂謂君臣適庶之間有豐端外患鄰寇也內亂之未成守正以匡其難不可則蚤去之列國之大夫有用是道者宋子哀蘧伯玉是已若貴戚之卿身執國政則死生以之無全身倖免之道況六合一王之天下而卒有蕭鸞武嬰之事為之臣者乃欲浮沈幸免以自謂明哲此姦佞之尤者而豈君子之所許哉讀者亦不可不辨

也

右第五十六章

贊大行曰圭公九寸侯伯七寸子男五寸博三寸厚半寸
剡上左右各寸半玉也藻三采六等贊蓋瓚字之誤才旱反

瓚裸玉也前為槃盛鬯後以圭為柄大行者秋官大行人也記者節引大行人記圭之文以明圭瓚之等也考工記天子之裸圭尺有二寸與鎮圭等則諸侯之裸瓚視其命圭可知己子男執璧而瓚則通用圭者璧不可為瓚首也剡上謂柄端銳出兩傍斜殺也左右各寸半者中為奇文兩分其博各寸半也此桓圭之式命圭惟公主為然裸圭則通用之但長短殊爾藻以組為之藉以執者三采朱白蒼六等每采再就凡六匝也於命圭則侯伯之禮裸圭酌而用之

右第五十七章

哀公問子羔曰子之食奚當對曰文公之下執事也

食先人始食祿奚當言當何代也子羔謙慎以對記者取之為對君之體

右第五十八章

成廟則鬯之

血祭曰鬯惟薦血而不薦腥熟蓋以禮土木之神而辟

禳也

其禮祝宗人宰夫雝人皆爵弁純衣

祝主隋鬯之事宗人宗伯之屬主宗廟之事宰夫燕則代君爲主人此亦攝主以禮神雝周禮作饗饗人掌烹割之事司割牲純衣絲衣其色元按大戴禮宗人受命於君君元服命之

雝人拭羊宗人祝之

拭去其塵污也用毛血故必外潔祝當作視謂泣視也宰夫北面于碑南東上

碑在廟堂下中庭以麗牲者也東上宗人典祀最東宰

禮記章句卷二十一

弄

夫祝雝以次而西也不拜者土木之神褻拜則嫌於拜廟也

雝人舉羊升屋自中中屋南面剖羊血流于前乃降

舉持也其徒舉之雝人泣之爾升自中繇簷阿之中也中屋當屋脊也血流於前持剖羊下至簷徧洒之也於是而鬯事成矣

門夾室皆用雞先門而後夾室其餌皆於屋下割雞門當門夾室中室

徧鬯之也門大門夾室兩旁室餌將割而先減耳旁毛薦之也於屋下言不升屋也當門雷下正中中室室內

四方之中

有司皆鄉室而立門則有司當門北面

鄉許亮反

有司宗祝宰雝也皆云者夾室不一也當門北面位在

門外鄉門

既事宗人告事畢乃皆退反命于君曰釁某廟事畢反命

于寢君南鄉于門內朝服既反命乃退

朝直遙反鄉許亮反

寢路寢有司受命涖釁事君雷路寢待之門路寢戶也

朝服君不涖祭不祭服也退君反內有司出也大戴記

告已君曰諾宗人請就晏揖之乃退

路寢成則考之而不覺豐屋者交神明之道也

禮記章句卷二十一

辛

考亦落成之祭名春秋考仲子之宮不覺者具俎豆不

血祭也宗廟以奉神明祀則嫌於祀其先故但用血祭

不薦腥孰路寢無嫌祀之可矣

凡宗廟之器其名者成則釁之以豶豚

名者謂典禮之器以名著者豶豮也

右第五十九章 周之五禮其屬三千儀禮之僅存者

十七篇而已此章釁廟之禮蓋祭禮之屬散見於佚亡

之餘者戴氏以其事止一節故不收之禮經而附之於

記大戴氏所記亦略同焉實則經也非記也下章出夫

人之禮蓋亦昏禮之屬亦禮經之遺策也

諸侯出夫人夫人比至于其國以夫人之禮行至以夫人入比毗
至反

比及也送之之車服迎之之館餼皆如其故未致命猶未絕也

使者將命曰寡君不敏不能從而事社稷宗廟使使臣某敢告於執事主人對曰寡君固前辭不教矣寡君敢不敬須以俟命使者使臣之
使疏吏反

前辭不教謂納采對辭云然須聽也俟命俟後命冀復合也

有司官陳器皿主人有司亦官受之

禮記章句卷二十一

三

官各如其所掌之官器皿其本所齎物

妻出夫使人致之曰某不敏不能從而共粢盛使某也敢告於侍者主人對曰某之子不肖不敢辟誅敢不敬須以俟命使者退主人拜送之共九容反盛是征反辟毗
義反使者之使疏吏反

此大夫以下出妻之禮誅譴也主人拜送使者君子怒不廢禮也

如舅在則稱舅舅沒則稱兄無兄則稱夫主人之辭曰某之子不肖如姑姊妹亦皆稱之

所出者若無主人則有所出無所歸義不得出矣

右第六十章

孔子曰吾食於少施氏而飽少施氏食我以禮吾祭作而辭曰疏食不足祭也吾飧作而辭曰疏食也不敢以傷吾

子少詩照反食我疏食之食併祥吏反

少施氏魯惠公子施父之後飧食將竟而以飲澆飯盡之所以飽主人之惠也傷謂不堪多食而強之也即其致辭觀之而將事之謙謹槩可知矣

右第六十一章

納幣一束束五兩兩五尋

昏禮納徵之幣也元纁各半五兩者十端每二端合卷之兩五尋者每端二丈周禮娶妻入幣無過五兩自天

禮記章句卷二十一

子下達其度數一也

婦見舅姑句兄弟姑姊妹皆立于堂下西面北上是見已

見賢遍反下同

兄弟姑姊妹舅之妹未嫁者及子女也舅席在阼堂下西面北上統乎舅也是見者謂就此而與兄弟姑姊妹相見已者不更與行相見之禮也言兄弟姊妹姒在其中

見諸父各就其寢

諸父夫之伯叔父寢室也他日特見之此謂舅之兄弟

同宮者

右第六十二章

女雖未許嫁年二十而笄禮之婦人執其禮

許嫁乃笄常也或未許嫁年已及必爲之笄禮禮也其禮與男子冠相擬許嫁而笄則受命於父而行未許嫁純乎內事母專執其禮

燕則髻首

髻巨圓反

燕燕居謂既笄以後在家之飾也許嫁而笄則恆服纒笄或次今未許嫁雖笄不備婦飾仍如女子之制分髮爲髻紒也

右第六十三章

鞞長三尺下廣二尺上廣一尺會去上五寸紕以爵韋六

寸不至下五寸純以素紕以五采

長直亮反廣古曠反會古外反純之尹反

詳鞞制也與玉藻互記之鞞長三尺下博上狹以漸殺也會者鞞一幅至土裂而爲三中爲頸兩旁爲肩會當

三裂之處而橫緣之去上五寸者去頸肩之端五寸所謂其頸五寸也緣在旁曰紕以爵韋者士鞞也君朱紕大夫素紕六寸以博言表裏各三寸凡用爵韋六寸也不至下五寸凡紕二尺下五寸不紕與上會去上之數相配也純下緣也紕所不至則純之素生帛也紕組也在緣縫間巡繞爲飾惟紕閒有之

右第六十四章

禮記章句卷二十一終

禮記章句卷二十一

三

